

intrinseca motrice gravium in ordine ad sua loca, quam de cæteris omnibus potentiis in ordine ad sua objecta : atqui cæteræ omnes potentiaæ ad apprehendenda , discernenda , attingenda & uno verbo obtinenda utcumque sua objecta indigent principio actuali determinante extrinseco: ergo &c. Major satis constat , nam objecta gravium sunt singulis sua loca. Minor verò probatur assumendo in exemplum potentiam visivam , quæ ad actualem visionem determinari debet à speciebus adventitiis ; aut olfactivam , quæ ad actualem olfactionem rosæ v.g. procul posita debet pariter determinari à corpusculis odoriferis , &c. Ac tandem nulla est potentia assignabilis , quæ ad actum suum non indigeat determinatione , quam à se ipsa eliciat , si est libera ; aut. ab extrinseco accipiat , si fuerit necessaria. Et ratio evidens est , quia potentiaæ omnes non solum liberae , sed necessariae sunt ex se ipsis indifferentes ad attingendum hoc aut illud objectum in particulari , quod fuerit intra speciem objecti communis proportionati. Inde fit ut sicut volubras mea est indifferens ad hoc aut illud bonum in particulari , ita etiam potentia mea visiva sit indifferens ad hunc aut illum colorem in particulari : Ergo sicut voluntas non potest appetere hoc aut illud bonum , nisi hoc aut illud sese exhibens appetendum illam determinet ; ita nec potentia visiva potest videre hunc aut illum colorem , nisi hic aut ille exhibens sese videndum illam determinet : cum hoc tantum discrimine , quod non determinatur à bono sibi proposito nisi moraliter , sumendo deinceps ex se ipsa physicam & liberam determinationem ad illud. At potentia visiva necessario & invictè determinatur ab objecto visibili sibi exhibito. Ergo &c.

Adde quod nullus hætenus vixit Philosophus , qui ad determinandam potentiam non dixerit esse necessariam saltem præsentiam objecti , quo modo aliqui , ut plurimas difficultates , quæ in his rebus philosophicis occurrunt , vitarent , dixerunt ad visionem actualement sufficere præsentiam coloris licet distantis , & ad actualement olfactionem præsentiam aromatis , &c. ac proinde etiam ad actualement accessionem ferri versus magnetem præsentiam magnetis , & sic de aliis. Ergo non potest negari corpora omnia in ordine ad suos motus locales indigere aliquo principio determinante extrinseco præter præsentiam motricem intrinsecam , quam habent ; quia hæc est otiosa & inutilis , nisi determinetur. Verum quia aliunde præsentia objecti distantis præcisè prout præsentia est , non est activa ; nullum enim agens agere potest in distans , ut suo loco ostensum est , inde sufficienter convincitur objectum non posse movere potentiam , nisi per aliquod effluvium , aut à se emissum , aut à se reflexum , aut quid simile ; & hoc pacto nec visio , nec olfactio ,

tur in
exemplū
cæteræ
potentiæ.

VII.
Nec suffi-
cit præ-
sentia ob-
jectorum
ad illas ,
determi-
nandas.